



**Қазақстан халқының Тілдері күні қарсаңында  
балалар және олардың ата-аналарының қатысуымен  
«Менің отбасым» атты ана тіліндегі шығармашылық  
байқауының (өлеңдер, ертегілер, билер, қойылымдар)  
қалалық деңгейін өткізу туралы  
ЕРЕЖЕ**

**1. Жалпы ережелер**

1.1. Осы Ереже меншік нысаны мен ведомстволық бағыныстылығына қарамастан мектепке дейінгі ұйымдар арасында Қазақстан халқының Тілдері күні қарсаңында балалар және олардың ата-аналарының қатысуымен ана тіліндегі шығармашылық байқаудың (бұдан әрі - Байқау) мақсаты мен міндеттерін, ұйымдастыру тәртібі мен өткізу шарттарын айқындайды, өткізілу және қатысу тәртібін, шарттарын реттейді.

1.2. Байқау Қазақстан Республикасы Білім және ғылым министрлігінің «Балаларды ерте дамыту институты» РММ-нің (бұдан әрі - Институт) 2022 жылға арналған жұмыс жоспарына сәйкес, байқаудың қалалық деңгейін Білім беруді жаңғырту орталығының ұйымдастыруымен өткізіледі.

1.3. **Мақсаты:** шығармашылық жұмысқа тарту және Қазақстан Республикасында тұратын халықтардың мәдениетімен, салт-дәстүрлерімен таныстыру арқылы мектеп жасына дейінгі балалардың танымдық қабілеттерін, қызығушылықтарын, белсенділігін қалыптастыруға ықпал ету.

**1.4. Міндеттері:**

- дербес, білімқұмар, көпшіл, сын тұрғысынан ойлайтын балаларды тәрбиелеу;
- белсенділікке, нәтижелі қызметке баулу;
- баланың дербестігін және ересектердің балаларға деген мейірімділік қарым-қатынасын ынталандыру;
- балаларды әртүрлі этникалық топтардың мәдениетін, дәстүрлері мен әдет-ғұрыптарын құрметтеуге және олармен танысу қажеттілігіне, туған жеріне, өзі тұратын еліне деген сүйіспеншілікке тәрбиелеу;
- педагогтерді ұлттық құндылықтардың балалардың тұтас дамуының қазіргі заманғы теорияларымен үйлесуіне ынталандыру.

**2. Ұйымдастыру тәртібі және өткізу шарттары**

Байқауды ұйымдастырушылар – «Балаларды ерте дамыту институты» РММ, облыстардың, республикалық маңызы бар қалалар және астананың білім басқармалары, аудандық бөлімдер.

Байқау үш кезеңде өткізіледі:

I кезең - аудандық (қалалық);

II кезең - облыстық;

III кезең – республикалық.



- 2.1. Байқауды ұйымдастыру және өткізу үшін барлық кезеңдерде қазылар алқасының құқықтары берілген комиссия құрылады.
- 2.2. Байқау комиссиясының құрамына ұйымдардың басшылары, жоғары білікті педагогтер, әдіскерлер, ата-аналар қоғамдастығының өкілдері және т. б. кіреді.
- 2.3. Байқау комиссиясының мүшелері ұсынылған материалдарды зерделейді, жеңімпаздарды келесі кезеңдерге қатысу үшін анықтайды. Байқау қорытындысы бойынша екі жеңімпаз анықталады, олар келесі кезеңге қатысу үшін жіберіледі.
- 2.4. Байқау комиссияның мүшелері:
  - әр номинацияда орындардың қайталануына;
  - лайықты үміткерлер болмаған жағдайда, жүлделі орындар бермеуге;
  - техникалық ақауларға байланысты (қатысушы тарапынан) ашылмаған бейнематериалдарды қарамауға;
  - ұзақтығы осы Ережеде белгіленген уақыттан асатын бейнематериалдарды қарамауға құқылы.
- 2.5. Материалдар «Менің отбасым» байқауының атауымен **2022 жылғы «13» қыркүйектен** кешіктірілмей [konkurs-doshkola@mail.ru](mailto:konkurs-doshkola@mail.ru) электрондық поштаға жіберіледі, көрсетілген мерзімнен кеш түскен материалдар қаралмайды, сондай-ақ қайтарылмайды.
3. **«Менің отбасым» шығармашылық байқауының қатысушыларына қойылатын талаптар**
  - 3.1. Байқау қатысушылардың ана тілінде, 3 жастан 5 (б) жасқа дейінгі мектепке дейінгі ұйымдардың балалары арасында ата-анасының (заңды өкілі) қатысуымен өткізіледі.
  - 3.2. Байқау барысында жеке өлеңдер, сондай-ақ шығармалардан, ертегілерден, әндерден, қойылымдардан үзінділер пайдаланылуы мүмкін.
  - 3.3. Байқау үй-жайда тиісті безендіруді, декорацияларды, костюмдерді, музыкалық сүйемелдеуді пайдалана отырып өткізіледі.
  - 3.4. Қатысушылар әннің, қойылымның, бар болса шығарманың авторын жариялап шығады.
  - 3.5. Материалды ұсына отырып, қатысушы:
    - жеке деректерін пайдалануға және материалдарды сайтта, баспа басылымдарында, Интернет-БАҚ-та және басқа бұқаралық ақпарат көздерінде орналастыруға;
    - материалдарды тегін пайдалануға, көпшілік алдында таратуға, интернет желісіне орналастыруға, шығармашылық жобаларға қосуға, БАҚ-та жариялауға,

өңдеуге келісімін береді.

3.6. Өтінім болашақта Байқауға қатысушылардың осы Ереженің шарттарын толық қабылдайтындығының, Байқау өткізу шеңберінде дербес деректерді өңдеуге келісім беретіндігінің дәлелі болып табылады.

#### 4. Бағалау критерийлері

4.1. Орындау деңгейі 3 балдық жүйе бойынша келесі критерийлер бойынша бағаланады:

- таңдалған материалдың байқау тақырыбына сәйкестігі;
- таңдалған материалдың қатысушының жасына сәйкестігі;
- шығарманың атауын жариялай білу;
- орындалатын шығармаға өз көзқарасын интонация, ым-ишара, мимика арқылы жеткізе білу;
- мәтінді білу және дұрыс айту;
- сыртқы келбетінің сәйкестігі;
- бейне сапасы.

#### 5. Бейнематериалға қойылатын талаптар

5.1. Байқаудың бейнежазбалары мынадай талаптарға сай болуға тиіс:

- түсірілім кәсіби, сапалы, бейнекамераны өшірмей және тоқтатпай (басынан аяғына дейін) орындалуы тиіс;
- бейнежазба MPEG-4 форматында қабылданады;
- әрбір файлдың көлемі 300 Мб артық емес;
- бейне файлдарда қатысушылар туралы ақпарат болуы керек (аты-жөні, жасы, атауы).

#### 6. Қорытынды шығару, жеңімпаздарды марапаттау

6.1. Байқау қорытындысы бойынша қатысушылар номинацияларға сәйкес дипломдармен марапатталады:

- «Үздік жеке мәнерлеп оқу»
- «Үздік отбасылық өнер көрсету»
- «Көркем орындау шеберлігі»
- «Көрермен көзайымы»

және «Жеңіске деген жігері үшін» алғыс хаттарымен марапатталды.

6.2. Байқаудың қорытындылары мен байқауға ұсынылған жеңімпаздардың материалдары Білім беруді жаңғырту орталығының <https://astana-modern.kz/ru/> сайтында және әлеуметтік желілерінің беттерінде жарияланатын болады.

Анықтама телефоны: 8 (7172) 48-11-57, 8 705 811 48 67



Қазақстан халқының Тілдері күні қарсаңында  
балалар және олардың ата-аналарының қатысуымен  
«Менің отбасым» атты ана тіліндегі шығармашылық байқауға  
(олеңдер, ертегілер, билер, қойылымдар) қатысу үшін

## Өтінім

| № | МДҰ-ның толық атауы (МДҰ Жарғысына сәйкес) | Көркем шығарманың атауы | Қатысушылар саны | Жеңімпаз туралы мәліметтер |      | Жауапты педагогтің аты-жөні, телефоны |
|---|--|-------------------------|------------------|----------------------------|------|---------------------------------------|
|   |  |                         |                  | Баланың аты-жөні           | жасы |                                       |
|   |  |                         |                  |                            |      |                                       |